

Chú ê Jit Kàu à

2 Hiaⁿtī chímōe, koanhē lán ê Chú Iésu Kitok kah lán tôngchāi ê sī, íkip lán siūtiàu chūchíp tī l bīnchêng ê tāichì, goán beh khúnkiú lín, 2 nā ū lâng chià tiòh sīnlêng, á sī thoánkáng tólí, á sī mō goán ê miá siá phoe kóng, "Chú ê jit chit má íkeng kàu à", lín ê sim lóng m̄ thang sūipiān iôtāng, mā m̄ thang iuhoan. 3 M̄ thang hō jīm̄hō lâng ēng jīm̄hō honghoat kā lín khiphiàn, inūi hit jit beh kàu chìnchêng, ittēng seng ū pōekàu ê tāichì hoatseng, mā ū puthoat ê lâng, iā tòh sī chùtiāⁿ biátbông ê lâng ē chhuthiān. 4 Hitê puthoat ê lâng hoántùi sōū pī chhengchò SiōngChú, á sī siū kèngpài ê sīnbêng, koh kokí kakī, koân kòe itchhè, sīmchì khì chē tī SiōngChú ê sèngtiān, koh chūchheng sī SiōngChú.

5 Góa iáu kah lín chòhóe ê sī, bat kā lín kóng kòe chiahê tāichì, lín kám bē kì tit à? 6 Lín lóng chai, chit má sī siáⁿmih teh chótòng hitê puthoat ê lâng, hō i sījít kàu ê sī chiah chhuthiān. 7 Inūi hitê puthoat ê sīnpì sèlèk íkeng khaisí teh ūnchok, tóktòk tiòh tán kàu hitê chit má teh chótòng i ê pī thiatlī, 8 hit sī, hitê puthoat ê lâng tòh ē chhuthiān. M̄ koh, Chú Iésu ē ēng l ê chhùi pūn chít kháu khùi lái thâisí i, koh ēng l kah lán tôngchāi só hiánhiān ê ēngkng siaubiát i. 9 Hitê puthoat ê lâng lĩmkàu ê sī, kah Satán ê chokūi kángkhoán, ēng tàk chióng ê koānsè lái kiāⁿ hiké ê sīnjiah kah kīsū, 10 koh ēng kok chióng putgī ê kúikè, lái khiphiàn hiahê teh beh biátbông ê lâng, inūi in bô ài chiapláp ē tàng hō in titkiù ê chinlí. 11 Inūi áne, SiōngChú hō in sánseng kiôngliát ê chhòkak, khì sionsìn hiahê hiké ê tāichì, 12 kiátkó hō hiahê m̄ sìn chinlí, tiantò lài putgī ê lâng lóng siū tēngchōe.

Kámsiā kah Kólē ê Kító

13 Chú só thiāⁿ ê hiaⁿtī chímōe, goán tiòh putsí ūi lín kámsiā SiōngChú, inūi SiōngChú tùi khíthâu tòh kóngsoán lín, hō lín thongkòe Sènglêng ê sèngghò kangchok, kah lín tùi chinlí ê sīnsim, hō

主 ê 日到 à

2 兄弟姊妹，關係咱 ê 主耶穌基督 kah 咱同在 ê 時，以及咱受召聚集 tī 祂面前 ê tāichì，阮 beh 懇求 lín， 2 若有人藉 tiòh 神靈，á 是傳講道理，á 是冒阮 ê 名寫 phoe 講：「主 ê 日 chit má 已經到 à」，lín ê 心 lóng m̄ thang 隨便搖動，mā m̄ thang 憂煩。 3 M̄ thang hō 任何人用任何方法 kā lín 欺騙，因為 hit 日 beh 到 chìn 前，一定先有背教 ê tāichì 發生，mā 有不法 ê 人，也 tòh 是註定滅亡 ê 人 ē 出現。 4 Hitê 不法 ê 人反對所有被稱做上主，á 是受敬拜 ê 神明，koh 高舉 kakī，koân 過一切，甚至去坐 tī 上主 ê 聖殿，koh 自稱是上主。

5 我 iáu kah lín 做伙 ê 時，bat kā lín 講過 chiahê tāichì，lín kám bē 記得 à? 6 Lín lóng 知，chit má 是啥物 teh 阻擋 hitê 不法 ê 人，hō 伊時日到 ê 時 chiah 出現。 7 因為 hitê 不法 ê 神秘勢力已經開始 teh 運作，獨獨 tiòh 等到 hitê chit má teh 阻擋伊 ê 被撤離， 8 hit 時，hitê 不法 ê 人 tòh ē 出現。 M̄ koh，主耶穌 ē 用祂 ê 嘴 pūn 一口氣來剷死伊，koh 用祂 kah 咱同在 ê 時所顯現 ê 榮光消滅伊。 9 Hitê 不法 ê 人臨到 ê 時，kah 撒旦 ê 作為全款，用 tàk 種 ê 權勢來行虛假 ê 神跡 kah 奇事， 10 koh 用各種不義 ê 詭計，來欺騙 hiahê teh beh 滅亡 ê 人，因為 in 無 ài 接納 ē tàng hō in 得救 ê 真理。 11 因為 áne，上主 hō in 產生強烈 ê 錯覺，去相信 hiahê 虛假 ê tāichì， 12 結果 hō hiahê m̄ 信真理，顛倒意愛不義 ê 人 lóng 受定罪。

感謝 kah 鼓勵 ê 祈禱

13 主所疼 ê 兄弟姊妹，阮 tiòh 不時為 lín 感謝上主，因為上主 tùi 起頭 tòh 揀選 lín，hō lín 通過聖靈 ê 聖化工作，kah lín 對真理 ê 信心，hō lín 得救。 14 為 tiòh chitê 目的，上主通過阮

lín titkiù. 14 Ûi tiòh chitê bóktek, SiōngChú thongkòe goán số thoân hō lín ê hokim hōtiàu lín, thang hō lín hunhióng lán ê Chú Iésu Kitok ê êngkng. 15 Sói, hiaⁿtī chí^mōe, lín tiòh kiantēng sìn^sim, goán số kà^sī lín ê chin^lí, bô^lūn sī ēng chhùi kóng ê á sī ēng phoe siá ê, lín lóng tiòh chhisiú.

16 Goān lán ê Chú Iésu Kitok pún^sin, kah thiàⁿ lán, koh ēng I ê intián siúⁿsù lán éngoán ê anùì kah bí^hó ê ñgbāng ê ThiⁿPē SiōngChú, 17 anùì lín ê sim, koh hō lín ũ khùilát thang chò tàk hāng hó sū, kóng tàk chióng hó òe.

所傳 hō lín ê 福音呼召 lín, thang hō lín 分享咱 ê 主耶穌基督 ê 榮光。 15 所以, 兄弟姊妹, lín tiòh 堅定信心, 阮所教示 lín ê 真理, 無論是用嘴講 ê á 是用 phoe 寫 ê, lín lóng tiòh 持守。

16 願咱 ê 主耶穌基督本身, kah 疼咱, koh 用祂 ê 恩典賞賜咱永遠 ê 安慰 kah 美好 ê ñg 望 ê 天父上主, 17 安慰 lín ê 心, koh hō lín 有氣力 thang 做 tàk 項好事, 講 tàk 種好話。